



Amt für Raumentwicklung Graubünden

Uffizi per il svilup dal territori dal chantun Grischun

Ufficio per lo sviluppo del territorio dei Grigioni

Telefon +41 (0)81 257 23 23, telefax +41 (0)81 257 21 42, internet: www.are.gr.ch, e-mail: info@are.gr.ch

Infurmaziun davart las surfatschas cun culturas alternantas (SCA) en il chantun Grischun

Plan sectorial Surfatschas cun culturas alternantas (SCA) e prescripziuns legalas davart las SCA

Cun il conclus dals 8 d'avrigl 1992 ha il Cussegl federal relaschè il Plan sectorial Surfatschas cun culturas alternantas (SCA). Il Plan sectorial SCA fixescha la dimensiun minimala da las SCA che vala per tut la Svizra e las parts chantunalas da questas surfatschas. Oriundamain steva en il center da la protecziun da las surfatschas da protecziun agricula la planisaziun alimentara e la realisaziun da tala en cas da crisa. Ultra da la finamira principala da garantir la segirezza dal provediment sustegna il Plan sectorial SCA il medem mument directamain ed indirectamain finamiras da l'organisaziun dal territori e da la politica da stadi, uschia p.ex. la protecziun quantitativa dal terren e la garanzia a lunga vista da terren agricul adattà. Il Plan sectorial SCA oblighescha il chantun Grischun da garantir ina dimensiun minimala da 6300 hectaras (ha) surfatscha cun culturas alternantas.

Il conclus dal Cussegl federal davart il Plan sectorial SCA vegn cumpletà tras ina retscha da mesiras ch'èn definidas en l'Ordinaziun federala davart la planisaziun dal territori (art. 26 – 30 ed art. 46 OPT; CS 700.1). La lescha revedida sco er l'ordinaziun revedida cun criteris pli rigurus per il diever da SCA (art. 30 OPT) è vegnidas messas en vigur il 1. da matg 2014. Tenor quellas dastgan SCA vegnir enzonadas mo, sche:

- a) ina finamira impurtanta ord vista dal chantun na po betg vegnir cuntanschida en moda raschunavla senza far diever da surfatschas cun culturas alternantas; e
- b) i vegn garanti che las surfatschas duvradas vegnian nizzegiadas optimalmain tenor il stadi da las enconuschentschas.

Las disposiziuns tenor l'art. 30 OPT valan independentamain dal grad d'adempliment dal contingent per tut las SCA.

Examinaziun da las surfatschas cun culturas alternantas l'onn 2019 tras il chantun e la Confederaziun

En connex cun l'approvaziun dal Plan directiv chantunal "Abitadi" tras la Confederaziun la primavaira 2019 e cun il repassament actual dal Plan sectorial SCA han las SCA dal chantun Grischun stuì vegnir examinadas sin basa dal Plan directiv chantunal "SCA" da l'onn 1987. Sin

fundament da questa examinaziun e da la tenuta da la Regenza grischuna d'imputar vinavant las SCA cun ina pendenza da passa 30 pertschient, dentant mo per la mesadad, è resultada ina dimensiun da bundant 6500 ha (surfatscha graduada).


A chaschun da sia examinaziun ha l'Uffizi federal da svilup dal territori (ARE) fatg valair, ch'i stoppia vegnir fatga – pervia da la metodica utilisada (elavuraziun automatica sin basa da la planisaziun d'utilisaziun e da la cuvrada dal terren) e pervia da las intschertezas ch'èn colliadas cun quai – supplementarmain ina deducziun pauschala da 2 pertschient. Resguardond questa deducziun ed il fatg che las SCA dastgan vegnir imputadas mo per la mesadad, sch'ellas han ina pendenza da passa 30 pertschient, importa l'effectiv dad SCA reconuschì da la Confederaziun anc stgars 6400 ha (surfatscha graduada). Uschia è anc adina garantida la dimensiun minimala da 6300 ha ch'è fixada en il Plan sectorial SCA.

Survista e preschentaziun da las surfatschas cun culturas alternantas

Sco post specialisà responsabel fa l'Uffizi per il svilup dal territori dal Grischun (UST) ina survista digitala da las SCA en il chantun Grischun. Questa survista vegn actualisada mintga onn. Il model che vala sco basa per las geodatas correspunda al "Model da geodatas minimal Surfatschas cun culturas alternantas tenor il Plan sectorial SCA" (ARE, november 2015, unitad da geodatas da basa nr. 68). L'unitad da geodatas da basa tar las SCA cuntegna las SCA (SCA inventari) ch'èn vegnidas eruidas oriundamain per il Plan sectorial da la Confederaziun (1992) e quellas SCA (SCA effectiv), ch'èn imputablas actualmain per part u dal tuttafatg.

La preschentaziun chantunala da las SCA vegn fatga sco suonda.

Preschentaziun chantunala da las surfatschas cun culturas alternantas



- Surfatschas cun culturas alternantas, inventari
- Surfatschas cun culturas alternantas, effectiv

Surfatschas cun culturas alternantas, inventari:	Las "Surfatschas cun culturas alternantas, inventari" correspundan a las SCA ch'èn vegnidas eruidas oriundamain per il Plan sectorial da la Confederaziun, independentamain dal fatg, sch'ellas èn actualmain imputablas u betg.
Surfatschas cun culturas alternantas, effectiv:	Las "Surfatscha cun culturas alternantas, effectiv" correspundan a las SCA ch'èn actualmain per part u dal tuttafatg imputablas.

Invista e retratga da las datas:

Las datas davart las SCA pon vegnir consultadas e retratgas tar il Center da geodatas dal Grischun (www.geogr.ch).

Favrer 2020